



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sulpici[i] Severi Presbyteri Opera Omnia

Sulpicius <Severus>

Amstelodami, 1665

Iair Iudex.

urn:nbn:de:hbz:466:1-11490

ceperant; expugnare aggressus, dum incautius subiit, ¹ saxo à muliere ictus periit, cum triennio imperium tenuisset. ³ Huic successit ² THOLA, qui ³ duobus & xx. annis regno ⁴ potitus est. ⁴ Post hunc JAIR fuit, qui cum æque viginti & duos annos principatum obtinisset, populus, relicto ⁵ Domino, ⁵ idolis se mancipavit. Obque id Israëlitæ sub-

acti

Thesbitæ tulit, uti contra Lyranum iidem docent.

¹ Saxo à muliere ictus periit.] Iuste lapide percussus interiit, qui super lapidem lxx. fratres occiderat. Sic tegula à muliere dejecta misere Argis periit Pyrrhus Rex Epirotarum. *Plutarchus*. Hermannus quoque Saxonum Rex, arcem oppugnans, saxo à scœmina dejecto interemptus est. *Avent. 5*. Unde Lacedæmonii, ut author est *Plut.* in *Sylla*, τῆς ἰσχυρίας improbatunt, quod in illis vel à muliere interficeretur vir fortissimus. Seneca *Hercule Oeteo* :

*O turpe fatum! scœmina Herculeæ necis
Auctor feretur?* —

Ad quam infamiam declinandam, maluit Tyrannus Abimelech, manu armigeri sui cadere. Ο ἵ πιαύτην ἐπέεργε εἰς τὴν ἀδελφὴν τῆς ἀνομίας ποιῶν ἐξέπεσε, ἢ τὴν εἰς Σικιμῆος αὐτῶν τελευτησάντων. *Ioseph*. Nec tamen effugere potuit, quin Ioab diceret: *Quis percussit Abimelech filium Ierubbaal? Nonne mulier misit super eum fragmen mola de muro, & interfecit eum in Thebes?* *II. Regum 11. 21.*

² Thola.] *Iud. 10*. Ita *Sigon. Gifelin. Drusus*. Editio *Elzevir. Cholias*. Quod haud dubie corruptum, & præter mentem authoris, cum nec lxx. nec Latinus cum ita vocent. *Horn*. Fuit consobrinus Abimelech, utpote filius Phua, qui erat frater Gedeonis. Sed quia Gedeon ex tribu Manasse, Phua ex Issachar, patet fuisse fratres uterinos duntaxat, ita ut mater eorum nupserit Ioas Manassensi, ex eoque genuerit Gedeonem: deinde nupserit alteri viro è tribu Issachar, ex eoque genuerit Phua patrem Tholia. Sic *Augustinus & alii*. Videtur

electione populi creatus Iudex. Nam Dei hic nulla fit mentio. *Abul*. Sic & à populo electi Iudices Iephte, Abfan, Abialon & Abdon. Nimirum Hebraei ob merita Gedeonis, voluerunt ex ejus prosapia creare judicem: cumque filii omnes ejus extincti essent, acceperunt consobrinum & Tholam. *A Lapide*.

³ Duobus & xx. annis regno potitus est.] Sic *Eusebius*. Hebraei, lxx. & Latinus xxxiii. annis. Nihil præterea de illo tradunt sacri Annales, nisi quod vixerit ac sepultus sit in Samir montis Ephraim. Quod additur, quia alia in tribu Iudæ. *Iosua 15. 41. Menochius*.

⁴ Post hunc Jair fuit.] Non hic est ille de quo *Num. 32. 41*. Sed alius, Segubi filius, indicatus etiam *I. Paral. 11. 22. Grot*. Fuit Galaadites, ac proinde ex tribu Manasse, quæ trans Iordanem in Galaatitide habitabat. Unde & oppida, quibus filii ejus xxx. præfuerunt, erant in tribu Manasse. *A Lapide*. Ex quo videri possit hunc Iairum absoluto quodam Dominio Israëli præfuisse, quia oppida filiis suis dedit, quæ & à nomine ipsius dicta fuerunt Havoth Iair, *villa Iair*. Potest tamen etiam dici, Iairum sic præfuisse filios suos istis civitatibus, sicut legitur & Samuel præfuisse suos filios *I Reg. 8*. cum nuda potestate judicandi, non autem dominandi. *Estius*. Sepultus est in Camone Galadenes. *Ioseph*.

⁵ Idolis.] Baalim & Astaroth, Diis Syriæ ac Sidonis, & Moab ac filiorum Ammon, & Philistim. *Iud. 10. 6*. Cæterum hi omnes populi Solem imprimis, sub alio atque alio nomine coluerunt. Syris ac Sidoniis dicebatur generali nomine *הַגִּבְעִים*, *Dominus*. Palmyrenis *Αγλα*

acti sunt Allophylis & ¹ Ammonitis, ² duoque de xx. annis sub eorum imperio fuerunt. Quo tempore eis Dominum ⁶ invocantibus, divinum scilicet responsum redditum est: ³ *Simulachra potius invocarent, se non ultra misericordiam ingratis præstiturum.* At illi flentes culpam fateri, & precari veniam, ⁷ abjectisque idolis Deum implorantes, negatam licet misericordiam impetraverunt.

LI. Igitur ⁴ *Septa* duce ad libertatem armis vindicandam frequentes conveniunt: missis prius ⁵ ad Amon regem ⁶ legatis ut finibus suis contentus, bello abstineret. At ille, ² prælium

Α'γλιωλ, Orbis Dominus. Accaronitis זב'ח ב'על, Dominus sacrificiorum, pro quo Israëlita contemtim dixerunt זב'ח ב'על, Dominus musca. Ammonitis Moloch & Milcom. In cuius nominis honorem liberi per ignem tradebantur. Quæ non erat crematio liberorum; sed febratio, hoc est, purgatio quædam, qua per spatium inter duos ignes intermedium, à Camaris Sacerdotibus, vel ipsis etiam parentibus, ducebantur infantes. In magnis tamen angustiis fuit etiam vivi-comburium. Sed de his, quæ ad gentilium Idololatricam spectant Vossius, de Idol. proluxe. Vide & Rambam 3. More Neb. 37.

¹ Ammonitis.] Male. Nam fuerunt filii Ammon. Qui diversi ab Ammonitis. Druf. Quod tamen subtilius quam solidius. Horn.

² Duoque de xx. annis.] Hi xviii. anni comprehendi nequeunt sub annis Iephthæ. Hic enim tantum sex annis præfuit. Quocirca Serarius vult illos omnino addendos annis cæterorum Iudicum. Sed hoc fieri non potest. Quare comprehendi debent annis Iairi, qui præfuit xxi. annis, sub cuius imperio defecerunt. A Lapide.

³ Simulachra potius invocarent.] Sarcasmus, similis illi Deut. 32. Ubi sunt Dii eorum in quibus habebant fiduciam? Surgant & opulentur vobis, & in necessitate vos protegant.

⁴ Septa.] Scriptura hæc à scribis est,

non à Sulpicio, qui sine dubio Iephtha vel Iephthe scripsit, ita poscente prisca consuetudine. Druf. Fuit Galaadites. Ideoque non ex tribu Gad, ut Abulens. & Cajetan. vult, sed Manasse. Manassenses enim passim vocantur Galaaditæ, non Gaditæ, etsi & ipsi partem legionis Galaad occuparent. Perer. Serar. Fuit tamen etiam patris ejus nomen Galaad, ut ex textu patet; qui cum ex אשה זונה, quod sive meretricem, aut γυναίκα πόρνη, cum Hellenistis, sive cauponam interpretari licet, suscepit. Erat enim natus ex אשה אחרת, fœmina vel alterius tribus, vel alienigena. Quorum prius Iosephus adstruit, posterius Saidus Baticides, cujus verba sunt,

وكن ابن امرأة سراقية,
& fuit filius mulieris Saracene. Vide Seldenum de Success. 1. 10.

⁵ Ad Amon Regem.] Veritas historiarum postulat, ad Regem filiorum Ammon. Sic est etiam in xxx. consentientibus libris Hebræis & Latinis, ἡ βασιλέα τῶν Ἀμμων. Iud. 11. 12.

⁶ Legatis.] Casus hic erat. Sihon Rex bello occupaverat urbes aliquas Moab & Ammon. Moses eo occiso, urbes illas Hebræis dat. Queritur igitur Rex Ammon de injuria sibi facta, terramque suam ab Hebræis reposcit. Patet autem ex hac concertatione, eundem vel tunc, vel tempore Moysi, Ammonitarum & Moabitarum Regem fuisse, quod